



# STREEK VAALRIVIER



**DIE KEKKELBEK**  
**APRIL/MEI 2021 (HERFSUITGawe)**



# **BESTUURSLEDE STREEK VAALRIVIER**



**VOORSITTER**  
**Henry Hartslief**

**SELFOON NO:**  
**082-419 1505**

**E-POS ADRES:**  
**hhartslief2@gmail.com**



**ONDER-  
VOORSITTER**  
**Jacques Roux**  
**(Wnde Voorsitter)**

**SELFOON NO:**  
**083-704 4900**

**E-POS ADRES:**  
**jacquesr@petroindustrial.  
co.za**



**SEKRETARESSE/  
REDAKSIE**  
**Louisa van Zyl**

**SELFOON NO:**  
**083-447 5784**

**E-POS ADRES:**  
**sekretariesse.vaalrivier@  
gmail.com OF  
kekkelbek.vaalrivier@  
gmail.com**



**PENNING-  
MEESTER**  
**Elize v d Schyff**

**SELFOON NO:**  
**072-205 9681**

**E-POS ADRES:**  
**sawa.vaalpenning@  
gmail.com**



**TEGNIESE  
VERTEEN-  
WOORDIGER**  
**Johan vd Schyff**

**SELFOON NO:**  
**082-954 7204**

**E-POS ADRES:**  
**Vdschyffjohan67@  
gmail.com**



- **Inleiding: Autumn Time**
- **Boodskap van die Waarnemende Voorsitter**
- **Foto's**
- **Die Sekretaresse se boodskap**
- **Boodskap van die Penningmeester**
- **Die verhaal van die Visvangnaweek te Riverlake**
- **Lief en ....**
- **.... en Leed**
- **Moedersdagwense : 9 Mei 2021**
- **Resepte: Warm koffie op koue aande om die Kaggelvuur**
- **Verkiesing van bestuur/Kampprogram 2021**
- **Pret vir Oud en Jonk**
- **Tot ons volgende kamp: Cheers!!**
- **Afsluiting**

# INLEIDING



Vriende,

Ons is in die laaste maand van die herfsseisoen, daarom is hierdie Kekkelbek die herfsuitgawe om so 'n pragtige seisoen mee af te sluit. Ek vertrou dat julle die lekker warmte van herfskleure, blare wat so mooi verkleur en op die grond in 'n bont tapyt neerfladder, ook in hierdie Kekkelbek sal aanvoel.

- REDAKSIE



## BOODSKAP VAN DIE WAARNE- MENDE VOOR- SITTER



Hallo SAWA-vriende,

Wat 'n lekker kampnaweek het ons nie by Riverlake gehad nie. Toe ek Vrydag by die kamp arriveer en dit reën en dis koud het ek gewonder hoe ons die volgende dag gaan visvang. Gelukkig het ons knap kampkommandante gesorg vir lekker warm kos die aand.

Saterdagoggend het gelukkig beter weer gebring en het die vissermanne en vroue vroeg al hul stokke en aas gereed gekry. En met die afskop het tannie Eileen nie op haar laat wag om die eerste vis in te trek nie. Maar toe wil dit vir my voorkom asof dit die enigste vis in die rivier is, want geen verdere byte word gekry nie. Dit het egter nie die gesellige atmosfeer onder die lede geaffekteer nie. Almal het so onder mekaar geloop en kuier, gesels en grappe gemaak.

En net voor die slutingstyd vir die kompetisie besluit Jolandie Botha dat sy nie leë hande gaan wegloop nie en trek sy 'n baber uit wat haar uiteindelik die kompetisie laat wen.

Ek dink Riverlake is 'n oulike kampeerterrein met baie potensiaal. My mening is ons moet die eienaars net kans gee om die oord te ontwikkel en dan kan ons in die toekoms weer daar gaan kamp.

Dan wil ek graag net namens een van ons mede-Vaalrivierlede die volgende advertensie plaas: As julle beplan om boorgate te sink kan julle gerus vir Eugene Botha kontak. Hy is uitstekend met water aanwys. Hy gebruik nie die konvensionele manier soos 'n mikstok of 'n bottel met water op die hand nie, maar hy kry fantastiese resultate met 'n tentpen. Ons het dit nou al twee keer met ons eie oë gesien.

Ons volgende kamp is by Umfula en ek hoop om baie van julle by die kamp te sien. Ek weet die koue is 'n probleem vir baie maar ek is seker as ons die kampvuur genoeg stook en lekker geselskap het, sal ons nie eers die koue voel nie.

Groete vir eers,

*JACQUES ROUX*

Eileen met haar prys vir die eerste vis wat gevang is.



Jolandi met haar prys vir die baber wat haar die kompetisie laat wen het.

Eugéne, die water-aanwyser. Kyk hoe trots staan die man daar en die manne agter hom kan hul oë nie glo nie.





## BOODSKAP VAN DIE SEKRETA- RESSE



Al ons gereelde Kekkelbeklesers,

Dit is 'n plesier om nog 'n Kekkelbek vir julle gereed te kry. Met die baie lekker kampnaweek by Riverlake is daar huis so baie nuus wat ek aan julle wil oordra.

Aan die begin van die naweek het die weer ons laat wonder maar ons is mos nie bang nie, ons vat alles soos dit kom. Die wind was by tye bietjie erg en het die gazebo's laat rondspring en so ook die eienaars van die gazebo's.

Ons het baie goeie samewerking van die oordbestuur gekry. Hulle moes 'n paar keer op WhatsApp en ander boodskappe reageer oor water wat nie warm was nie of elektrisiteit wat laag was, maar hulle het later sommer uit hul eie kom hoor of alles nog reg was.

Ons kamp by Umfula die naweek van 21 tot 23 Mei 2021 is om die draai. Dit blyk 'n baie mooi oord te wees en dit sal gaaf wees om so veel as moontlik van julle daar te sien. Onthou daar is nog net twee kampe oor voor die AJV in Augustus, die eerste by Umfula en die tweede by Sionbergh die naweek van 25 tot 27 Junie. Ek is seker julle is dapper genoeg om hierdie twee winterkampe baas te raak.

So, vir nou, groete tot volgende keer.

*Louise*





## BOODSKAP VAN DIE PENNING- MEESTER



Vaalrivier-vriende,

So stap ons die winter in met ons eerste winterkamp te Riverlake. Weer eens 'n onvergeetlike kamp met 13 woonwaens.

Die koue het almal bietjie vir bietjie bekruip, maar niemand het weggekruip. Om die waens was gekuier terwyl die vure kletter. 'n Sjerrie in die hand het die lywe warm gehou.

Die samesyn van verskillende persoonlikhede het my opgeval en my tog laat besef: Ons kan almal saam lag en saam kuier.

As penningmeester sê ek dankie aan almal wat Riverlake kampnaweek so besonders gemaak het met goeie gees en positiwiteit. Dankie vir jul bydrae tot die geldkas, sonder julle kan Vaalrivier klub nie bestaan nie.

Wees veilig tot ons mekaar weer sien by Umfula-oord te Parys.

Groete tot dan

*Elize*



## **DIE VERHAAL VAN DIE VISVANG- NA WEEK TE RIVERLAKE OORD**

Op 'n koue, trietsige Vrydag met die belofte van reën (soos julle kan sien) pak ons die naweek aan.



Donderdagnag het daar al 'n lekker bui reën uitgesak wat die grond behoorlik nat gemaak het. En Vrydag het dit net nog meer gereën.



Kyk net hoe lekker sak die reëntjie uit, sommer so vaal oor die rivier. Ons kragvoorsiening was so 'n bietjie omgekrap deur al die nattigheid en die oord se manne het bontgestaan om die elektrisiteir so bietjie "op te zoop".



Dit was so nat, ons moes ons "water boots" uithaal. En toe: Die mooiste reënboog om ons 'n lekker naweek toe te wens.

Hier volg 'n paar foto's net om vir almal te wys hoe pragtig is die omgewing.



'n Paar lugfoto's geneem deur ons "drone expert".



Vrydagaand na boekvat is die heel gepaste maaltyd van kerrie en rys voorgesit en het almal hulself trommeldik geëet. Lekker man, lekker!! Daar moes nog net pannekoek vir nagereg gewees het, dis mos ook trooskos as dit so koud en nat is. En Dinges, die Jack Russell-seuntjie (wat die hele naweek saam met ons gekuier het) lê lekker waar daar warmte is.



Johan doen die laaste proe voor opskeptyd.



Na ete was daar hier en daar so 'n paar warmmaak-vuurjies aangesteek maar die beste plek was maar binnekant die woonwa. Die elektrisiteit was nog deur die reënweer ge-affekteer so lugversorgers en warm komberse was nie vir enigeen beskore nie.



Saterdag het aangebreek met die belofte van mooiweer. Almal het sommer vroeg-vroeg gesorg dat hulle langs die viswater 'n plekkie uitsoek om die gebeure te kan dophou. So ook die tierkat en die grys kat.



Die visvangkompetisie het stiptelik om 10h00 afgeskop.



Eileen het beslis die mooiste vis van die naweek gevang.



En hierdie is die wenvis (in die visvangkompetisie, nie in 'n skoonheids-kompetisie nie).



Mededingers wat ook hul bes probeer het,  
maar die visse wou nie saamspeel nie.



Saterdagaand was koelerig, maar nie te koud om 'n vleisie te braai nie.




Wat 'n voorreg om die erediens so in die buitelug by te woon.



Die kampkommandante vir die naweek ontvang hul toekennings.



Die wenner van die looitjie was Michelle. Baie geluk!!




## LIEF en .....

Baie geluk aan Beverley met jou nuwe woonwa. Mag jy baie voorspoedige kilometers en saamtrekke met hierdie wa geniet.



## VERJAARDAE VIR MEI:

- 04     Johan Roux
- 07     Anton Koekemoer
- 09     Doney Connaway
- 11     Christa Chapman
- 13     Willem Pretorius
- 14     Connor Botha
- 16     Keagan van In
- 24     Nadia Botha



## HUWELIKSHERDENKING:

- 23     Anton & Sondra Koekemoer  
(40ste)



## **... en LEED**



Ons innige medelye aan die familie van oom Barend Hagen wie op 2 Mei oorlede is. Oom Barend was vir 44 jaar 'n lid van Streek Suidwes-Kaap en 'n erelid van SAWA sedert 2005.

Zandry van Rooyen het 'n operasie aan sy hand gehad. Hy en Elize het egter elke dag by Riverlake opgedaan as dagbesoekers. Dit wys nou net wat mens kan doen as jy regtig wil. Dit was lekker om julle saam met ons te hê.



## **As geld nie aan bome groei nie ... Hoekom het 'n bank takke?**



# MOEDERSDAG WENSE – 9 MEI

Dear die een wat 'n moeder altoos 'n instrument in die Here se Hand, want deur 'n moeder bring Hy dikwels Sy plan in ons lewe tot stand.



## Noem haar ma

Die Here het 'n engel op aarde geskep  
En omdat Hy ver vooruit kon sien  
het Hy geweet dat ek haar oor 'n leeftyd sou nodig  
kry.

Iemand wat sou verstaan wat ek doen en sê  
Wat al my foute sal verbloem met liefde  
Om net die beste te vind in wat ek sal doen

Wat met haar sagte hande vreugde versprei elke dag  
Met haar warm en omgee natuur uitdoring bo die res  
Wat 'n leeftyd aan my sy lojaal sal bly staan  
Deur teespoed en voorspoed en vriendin-vir-my-wees  
'n ma wat haarself sal misken terwille van haar kind  
en op haar knieë trou aan haar belofte aan God sal bly staan

Die Here het die engel vir my gegee en gesê:  
"Neem haar hand en noem haar ma"  
©Sonja Peacock



# RESEpte: WARM KOFFIE OP KOUE AANDE OM DIE KAGGELVUUR



## 4 EASY STEPS TO PREPARE THE PERFECT MACCHIATO

- ① PREPARE ESPRESSO IN A CAPPUCCINO CUP
- ② ADD A DASH OF FROTHED MILK
- ③ ADD A HALFCUP OF ESPRESSO
- ④ SPRINKLE WITH CHOCOLATE FLAKES



## VANILIO CAFÉ LIÉGOIS

- 1 capsule of Grand Cru Vanilio
- 1 scoop of vanilla ice cream
- Hot milk froth
- Caramel syrup
- Chocolate chips



## DAIRY-FREE ALMOND HAZELNUT CAPPUCCINO

- ① FROTH MILK
- ② BREW ESPRESSO
- ③ ADD CHOCOLATE HAZELNUT SPREAD
- ④ COMBINE!



## BROWN SUGAR CINNAMON CORTADO

- ① 2 OUNCES ESPRESSO
- ② 2 OUNCES WARM MILK
- ③ 1 TEASPOON BROWN SUGAR
- ④ PINCH OF CINNAMON



COFFEE WITH A  
FRIEND IS LIKE  
CAPTURING  
HAPPINESS IN A  
CUP.



# **VERKIESING VAN NUWE BESTUUR**

Daar is slegs twee saamtrekke oor voordat die Algemene Jaarvergadering sal plaasvind. Begin solank beplan om die naweek van 13 tot 15 Augustus 2021 oop te hou sodat julle by die verkiesing teenwoordig kan wees.

Die huidige bestuur wil op hierdie stadium dit net onder almal se aandag bring dat julle solank kan begin dink watter persone julle graag as bestuurslede vir die volgende jaar wil verkies. Nominasievorms sal in Junie 2021 beskikbaar gestel word – ons sal julle verwittig waar dit verkrygbaar sal wees. Maar hou dit intussen in gedagte. Ons wil graag hê almal moet deelneem aan die verkiesing.




## **KAMPPROGRAM VIR 2021**

Die res van die jaar se saamtrekke sien op hierdie stadium soos volg daaruit:

<b>21/05- 23/05</b>	<b><i>Umfula</i></b>
<b>25/06-27/06</b>	<b><i>Sionberg</i></b>
<b><i>Julie</i></b>	<b><i>Geen saamtrek</i></b>
<b>13-15/08</b>	<b><i>Koppisol (AJV)</i></b>
<b>23-26/09</b>	<b><i>Bush Inn (Nasionaal)</i></b>
<b>29-30/10</b>	<b><i>Westvaal(mag moontlik verander)</i></b>
<b>26-28 November</b>	<b><i>Bloekompoort (Kersboom)</i></b>

# PRET VIR OUD EN JONK



Find:



On safari in Africa, there are so many animals to see.

Believe it or not, there are 12 objects for you to find in this scene.

**EN HIERMEE, TOT ONS VOLGENDE KAMP .....**



**CHEERS!!!**

# AFSLUITING

## GISTER, MÔRE, VANDAG

Ek stap vandag terug op gister se spore  
Ek sien vergete drome eensaam staan  
Ek sien verbreekte beloftes eenkant lê  
Ek sien vermorste kanse doelloos dwaal  
Ek vee vandag gister se spore almal dood.

Ek maak vandag oop môre se deur  
Ek sien pragtige wense hoog hang  
Ek sien blink voornemens skitterend wag  
Ek sien uitgesoekte planne wagtend sit  
Ek druk vandag toe môre se deur

Ek staan vandag in vandag se poort  
Ek sien gister se gebedes beantwoord  
Ek sien gister se uitroep vervul  
Ek sien gister se kommer gestil  
Ek bly staan in vandag se poort

Ek hou vas aan die Een, van gister, môre en  
vandag

Ek sien Sy hand in gister, môre en vandag  
Ek sien Sy redding in gister, môre en vandag  
Ek sien Sy genade in gister, môre en vandag  
Ek sien GOD die Almagtige  
In my gister, in my môre, in my vandag.